

P E T R I A P O S T O L I V I T A .

39

finem. Matth. 26. vers. 58. & vers. 69. Marc. 14. vers. 54. Ioann. 18. vers. 15.

Petrus Christum se novisse, semel, iterumque, & tertio negat.

XXVII. Cum esset Petrus foris in atrio, accessit ad eum una ex ancillis Summi Sacerdotis; & aspiciens eum, ait: Numquid & tu ex Discipulis es hominis istius? ille negavit coram omnibus, dicens: Non novi illum. Et exiit foras ante atrium, & gallus cantavit. Exeunte autem illo janua, vidit eum alia ancilla, & ait illis, qui erant ibi: Et hie erat cum Iesu Nazareno; at ille iterum negavit cum iuramento, quia non novi hominem: & intervallo facto quasi horæ unius, unus ex servis Pontificis, cognatus ejus, cujus abscidit Petrus auriculam: Nonne ego te vidi in horto cum illo? nam & Galilæus es, & loquela tua manifestum te facit? iterum ergo negavit Petrus, & coepit detestari & anathematizare, quia non novisset hominem illum, & adhuc illo loquente Gallus iterum cantavit.

Petrus respiciens, egreditur foras, & peccatum flevit.

XXVIII. Et conversus Dominus respexit Petrum, & recordatus est Petrus verbi, quod dixerat Iesus: Priusquam Gallus cantet bis, ter me negabis, & egressus foras flevit amarè. Matth. 26. vers. 69....75. Marc. 14. vers. 66....72. Luc. 22. vers. 55....62. Ioan. 18. vers. 25. 26. 27.

De Petro, qui Iesum (si quis alius Discipulus) semper & ubique secutus fuerat, in reliqua Iesu Christi Passione, & in morte, & in sepultura, nulla amplius est mentio.

P O S T C H R I S T I R E S U R R E C T I O N E M .

Petrus cum alio Discipulo (Ioanne) currit ad monumentum.

XXIX. Cum Maria Magdalene à monumento currisset ad Discipulos, primosque offendisset Simonem Petrum, & alium Apostolum (Ioannem,) eos monuit Christi corpus sublatum fuisse. Petrus & ille alius Discipulus venerunt ad monumentum: currebant autem duo simul, at ille alius Discipulus præcurrit citius Petro, & venit primus ad monumentum, non tamen introivit. Venit Simon Petrus sequens eum, & introivit (primus) ad monumentum. Vide Vitam Christi. Sect. 165.

Petro apparuit Christus statim à resurrectione.

XXX. Discipuli duo redeuntes ab Emaunte in Ierusalem, invenerunt congregatos undecim, & eos qui cum illis erant, dicentes: quod surrexit Dominus verè, & apparuit Simoni. In Vita Christi. Sect. 169.

Petrus ad mare Tiberiadis secundò ambulavit super aquas ut ad Christum accederet.

Piscantibus Apostolis, & Discipulis ad XXXI. mare Tiberiadis, ut Petrus Dominum agnovit. tunica succinxit se, (erat enim nudus) & misit se in mare, (ut ad Iesum accederet.) In Vita Christi. Sect. 178.

P O S T C H R I S T I A S C E N S I O N E M .

Petrus & Apostoli & Discipuli Iesu redeunt Ierolimam, ubi Petrus coram omnibus orat pro altero Apostolo in locum Iudæ proditoris eligendo; præmissis precibus, sorte datur Mathias.

Tunc (ab Ascensione Domini) reversi sunt XXXII. Ierolimam, à monte qui vocatur Oliveti, qui est juxta Ierusalem, septem stadia habens iter. Et cum introissent in coenaculum, ascenderunt ubi manebant Petrus & Ioannes, Iacobus, & Andreas, Philippus & Thomas, Bartholomæus & Mathæus, Iacobus Alphei & Simon Zelotes, & Iudas Iacobi. Hi omnes erant perseverantes unanimiter in oratione cum mulieribus, & Maria Matre Iesu, & fratribus ejus. In diebus illis exurgens Petrus in medio fratrum dixit: (erat turba hominum simul ferè centum viginti) Viri fratres, oportet impleri Scripturam, quam prædixit Spiritus Sanctus per os David de Iuda, qui fuit dux eorum qui comprehenderunt Iesum, qui connumeratus erat in nobis, & sortitus est sortem ministerii huius; & hic quidem possedit agrum de mercede iniquitatis, & suspensus crepuit medius, & diffusa sunt omnia viscera ejus.... oportet ergo ex his viris qui nobiscum sunt congregati in omni tempore quo intravit, & exivit inter nos Dominus Iesus, incipiens à baptismo Ioannis usque in diem, quæ assumptus est à nobis, testem Resurrectionis ejus nobiscum fieri unum ex istis: & statuerunt duos Ioseph sive Barsabam, qui cognominatus est Iustus, & Mathiam, & orantes dixerunt: Tu Domine, qui corda nostri omnium, ostende, quem elegeris ex his duobus unum accipere locum ministerii huius & Apostolatus, de quo prævaricatus est Iudas, ut abiret in locum suum: & dederunt sortes eis, & cecidit fors super Mathiam, & annumeratus est cum undecim Discipulis. Act. Apost. 1. vers. 12....26.

Petrus post acceptum Spiritum Sanctum palam prædicat, & multos ad Christi fidem convertit.

Post effusum super Apostolos & Discipulos Iesu Spiritum Sanctum, Petrus palam XXXIII. prædicat, ut & alii, Domino cooperante, omnibusque mirantibus, quod variis loquerentur linguis, & ab advenis quampluribus suâ quibusque linguâ intelligerentur, Iudæi eos multo plenos conviciantibus, & iridentibus Petrus respondet, & Ioelis testimonio probat id ab accepto Spiritu Sancto fieri. Concione ad populum habita tria circiter virorum millia ad Christi fidem convertuntur.